

糲食麤衣度歲華白雲高臥隱烟霞心香福炷靈源起定觀蓮
峯十丈華

在淇門鎮爲眾人每日求藥因此作

智術多能巧作愚無爲守一養靈珠脩然頓覺塵勞夢獨飲無
生酒一壺

詠孤竹

一竿碧玉出芳叢直節虚心眾莫同耐雪欺霜堅歲月自然時
復有清風

詠月桂

綠葉柔莖結翠紅精神朶朶弄晴風歲寒堅耐同松竹盡占年

道藏輯要

水雲集

九

胃集五

光造化功

詠鶴

停停獨立對秋風黑白分明造化功休訝得延千紀壽爲他頂
上結丹紅

三教

三教由來總一家道禪清靜不相差仲尼百行通幽理悟者人
人跨彩霞

述懷

不會搜空向外尋蛟龍猛虎倒顛擒朝昏懶慢修香火十二時
中只禮心